

Sic Flavianus nomine Rufi Theſſalonicenſis Epifcopi Concilio Ephefino, & Quintillus Heraclienſis pro Anaſtaſio item Theſſalonicæ Antiſtite Chalcedonenſi proximè poſt Patriarchas ſubſcripſerunt: ſic tandem Benignus vices gerens Eliæ ejuſdem civitatis Epifcopi Conſtantinopolitano generali quinto ante Exarchos Orientis Cæſarienſem, Ephelinum & Heracleenſem ſubſcripſit.

^a Leo Mag. Epif. 84. ad Anaſt. Theſſal.

Omnibus clariùs Leo Magnus ^a Romanus Pontifex, dum eidem Anaſtaſio Theſſalonicenſi Epifcopo Vicarii ſeu Primatis dignitatem per Illyricum, exempla prædeceſſorum ſuorum ſequutus, tribuens hæc ſcribit: *Sicut præceſſores mei præceſſoribus tuis, ita etiam ego dilectioni tuæ, priorum ſequutus exemplum, vices mei moderaminis delegavi, ut curam quam univerſis Eccleſiis principaliter ex divina inſtitutione debemus, imitator noſtræ manſuetudinis effectus, adjuvares, & longinquis ab Apoſtolica Sede provinciis, præſentiam quodammodo noſtræ viſitationis impenderes.* Quorum autem præceſſorum exempla ſequutus ſit, his verbis declarat

^b Nicol. P. 1. Epif. 2. ad Michael. Imp.

Nicolaus primus ^b ad Michaelē: *Oportet veſtrum Imperiale decus, quod in omnibus Eccleſiaſticis utilitatibus vigere audivimus, ut antiquum morem, quem noſtra Eccleſia habuit, veſtris temporibus reſtaurare dignemini: quatenus vicem quam noſtra ſedes per Epifcopos veſtris in partibus conſtitutos habuit, videlicet Theſſalonicenſem, qui Romanæ ſedis vicem per Epirum veterem Epirumque novam, atque Illyricum, Macedoniam, Theſſaliam, Achaïam, Daciam Ripenſem, Daciamque Mediterraneam, Myſiam, Dardaniam & Prævalim, Beato Petro Apoſtolorum principi contradicere nullus præſumat.* ¹ Hæc autem cum ita ſint, non parum mihi probabile eſt eam civitatem Metropolim fuiſſe totius Illyrici Orientalis ante provinciarum diviſionem. Majoribus enim, ut jam diximus, dignioribusque civitatibus honor ille tribuebatur, quibus Primatus poſtea datus eſt, ejuſque conditionis Theſſalonicam eſſe omnes norunt. Adde, quod Alexandro huius Epifcopo cura mittendorum decretorum Concilii Nicæni per Macedoniam, Græciam, Europam, Scythiam, Theſſaliam, Achaïam univerſumque Illyricum commiſſa ſit, nec credendi locus videatur id muneris Antiſtiti, qui per eas authoritatem non haberet, datum fuiſſe.

XV.

PHILIPPI METROPOLIS HONORARIA MACEDONIAE.

^c Liber. cap. 5. ^d Baron. ad an. 430. num. 27.

Philippos civitatem Metropolim in Macedonia poſt Theſſalonicam in tabula ponimus, fuitque ſane ſaltem honorario jure, ut ſatis diſcitur ex Liberato ^c in Breviario. Etenim apud eum Flavianus Philippenſis Archiepiſcopus dicitur, quem Baronius ^d Philippenſi Eccleſiæ præſuiſſe ſcribit. Nec certe ibi poſitam fuiſſe ſedem Metropolitanam, poſtquam Illyricum Orientale Conſtantinopolitano Patriarchæ ſubditum fuit, ut in Notitia Conſtantinopolitanæ Eccleſiæ vulgò Imperatori Leoni tributa dignoſcitur. Attamen Philippenſem Epifcopum primis ſex ſæculis veri Metropolitanæ jura & Suffraganeos habuiſſe non aſſeram. Obſtant enim ipſi Philippenſes Epifcopi, qui nequidem Metropolitanæ nomen ſumunt in ſubſcriptionibus Conciliorum generalium quinti & ſexti, quibus tamen videre eſt Epifcopos civitatum, quæ revera Metropoles erant, hocce honoris titulo aut in uno aut in altero designari. Imò reperio Sozontem Philipporum Epifcopum poſt omnes Metropolitæ nominatum actione prima Concilii Chalcedonenſis, etiam poſt Conſtantinum Epifcopum Demetriadis in Theſſalia, & Alexandrum Sebaſtæ in Cilicia. Adde, quod ſi Philippenſis ſedes Metropolitana cum omnibus juribus fuiſſet ante Iconomachorum Imperatorum tempora, hanc proculdubio legeremus inter avulſas à ſede Romana, quas recenſet Leo Imperator in Diatypoſi Conſtantinopolitana, cùm longè proximior ſit Conſtantinopoli quam Corinthus, Patræ, Athenæ & Theſſalonica. Unde cum his apud eam non annu-

NOTÆ LUCE HOLSTENII.

¹ Hæc autem cum ita ſint, non parum mihi probabile eſt eam civitatem (Theſſalonicam) Metropolim fuiſſe totius Illyrici. Hoc teſtatur Acholius apud Socratem Hiſt. Eccl. lib. 5. cap. 6. qui de fide ſua interrogatus à Theodoſio Aug. reſpondit, opinionem Arrii

minimè per Illyricum peneträſſe, cujus ſcilicet Metropolis erat Theſſalonica. Unde nequaquam ferenda eſt huius loci correctio apud Baron. anno 380. n. 1. ubi Illyrici loco Macedoniam ſcribendum exiſtimat.